

Der Achte Artickel.

Niemandt sol vom Schmeltzen
abgedrungen werden.:



Weder Bewegungschafft oder Zeche / inn eyner
Hütten / mit eynem oder mehr öfen / zuschmelzen
verstattet wirdet / die sollen nicht abgedrungen
werden / Sie haben dan / ihr Ertz vnd schlacken
zuor gar auffgeschmeltzt / Vnd wo ein Zeche /
mit zweyen öfen schmeltzen wolt / sol ihnen der
Hütten schreiber vnd Meyster / dieselben nach ein
ander eingeben / vnd Painen öfen darzwischen arbeiten lassen.

Der Neundte Artickel.

Niemandt inn eine Hütten zuzwin-
gen / noch mit liebnus
darein zumüssigen.

S Jemand sol mit liebnus / vorheischung / fürdernus /
oder inn andere weg / wie zuerdenccken / angeritzet /
noch gemüssiget / viel weniger mit starckem anhalten /
gedrungen werden / in eyniche Hütten zuziehen / auch
keyner dem andern seine Hüttengeste / abspenig machē
sondern es sol einer jeden Bewegungschafft frey stehen
ihres gefallens / inn ein Hütten zuziehen / So viel aber das auszie-
hen betrifft / das sol an vorwissen / Unsers Hauptmans / oder Ver-
walters / vnd an genugsame vrsachen / nicht gestatt werden.

Der Zehende Artickel.

Nach Mittage auch bey nacht / sol
man nicht Schmeltzen.:



Nicht die noth / oder sondere wichtige vrsachen
vorhanden seind / da sol man keynes wegs / es sey
Ertz / Schlich / Schlacken / oder anders / nach
Mittage / oder bey Nacht / arbeiten lassen.

Der Elffte